



15 NOV, 2021

FAMA bantu pasarkan 10.5 tan roselle

Sinar Harian, Malaysia

Page 1 of 2

FAMA bantu pasarkan 10.5 tan roselle

ROMPIN- Lembaga Pemasaran Pertanian Persekutuan (FAMA) membantu memasarkan 10.5 tan hasil tanaman roselle yang diusahakan oleh 46 peserta ladang kontrak di dua kawasan di daerah Rompin, tahun ini.

Pengarah FAMA Pahang, Saiful Sadri berkata, nilai keseluruhan jualan produk pertanian itu tahun ini sebanyak RM42,000.

Bagaimanapun menurut beliau, jumlah itu jauh berkurangan berbanding hasil dan nilai jualan untuk tahun-tahun sebelum ini.

“Ia berikutan pekebun mengurangkan keluasan tanaman ekoran pelaksanaan perintah kawalan pergerakan (PKP).

“Bagi hasil tahun ini, selain untuk bekalan pusat memproses makanan FAMA Rengit, Johor, buah roselle

keluaran pekebun Kampung Desa Murni dan Kampung Tebu Hitam itu turut di eksport ke Australia,” katanya.

Beliau berkata demikian selepas mengiringi lawatan Pengarah Kanan FAMA, Abd Rahman Mahmood ke Pusat Pengumpulan Ladang Kampung Desa Murni di sini pada Sabtu.

Saiful berkata, roselle keluaran daerah itu terkenal dengan kualitinya hingga mampu menembusi pasaran antarabangsa.

“Pihak FAMA akan terus berusaha membantu pekebun roselle yang turut mengusahakan beberapa tanaman kontan lain seperti keledak, kacang tanah dan jagung.

“Pelbagai kemudahan telah disediakan kepada pekebun antaranya bantuan peralatan, pengangkutan, kursus dan latihan,” katanya.



15 NOV, 2021

FAMA bantu pasarkan 10.5 tan roselle

Sinar Harian, Malaysia

Page 2 of 2

SUMMARIES

ROMPIN- Lembaga Pemasaran Pertanian Persekutuan (FAMA) membantu memasarkan 10.5 tan hasil tanaman roselle yang diusahakan oleh 46 peserta ladang kontrak di dua kawasan di daerah Rompin, tahun ini. Pengarah FAMA Pahang, Saiful Sadri berkata, nilai keseluruhan jualan produk pertanian itu tahun ini sebanyak RM42,000. Bagaimanapun menurut beliau, jumlah itu jauh berkurangan berbanding hasil dan nilai jualan untuk tahun-tahun sebelum ini. "Ia berikutan pekebun mengurangkan keluasan tanaman ekoran pelaksanaan perintah kawalan pergerakan (PKP).